

Juli/2011



KORISNIČKO UPUTSTVO ZA AMINET 110/125

Sadržaj

ŠTA JE SUPER TV?	3
OSNOVNI POJMOVI	3
DALJINSKI UPRAVLJAČ	4
Podešavanje daljinskog upravljača za upravljanje TV-om.....	4
OSNOVNE KONTROLE	5
Prebacivanje kanala.....	5
Mozaik	5
Pregled programa i programski vodič	6
Otključavanje kanala	6
OSNOVNE OPCIJE KANALA	7
Titlovi	7
Audio	7
Početna jačina tona	7
Dodaj u omiljene	7
Zaključaj kanal	8
GLAVNI IZBORNIK	9
UREĐENJE KANALA.....	9
PREGLED PROGRAMA i PROGRAMSKI VODIČ	10
SNIMANJE I PRAĆENJE SADRŽAJA	11
LISTA NALOGA	13
SNIMALICA.....	13
TELETEXT	14
OMJER EKRANA	14
VIDOTEKA	15
SERVISI.....	17
Vijesti	17
Vremenska prognoza.....	17
Stanje na putevima.....	17
POSTAVKE	17
Promjena PIN koda	17
Vrijeme zaključavanja	18
Starosna dob.....	18
Obavijesti.....	18

Stanje računa.....	18
OSTALO.....	19
RELOAD.....	19
RESET	19
ABOUT	19
POMOĆ.....	19

ŠTA JE SUPER TV?

SUPER TV predstavlja IP televiziju koja se bazira na xDSL tehnologiji. Za razliku od postojećih oblika distribucije televizije, SUPER TV je uveo široku interaktivnost i visoku personalizaciju televizijskih sadržaja. Atraktivnost SUPER TV-a ogleda se u mogućnosti uređivanja sopstvenog sadržaja i odabira niza korisnih dodatnih usluga.

OSNOVNI POJMOVI

STB (Set-top box) je uređaj koji povezuje TV aparat i vanjski izvor signala, pretvarajući signal u sadržaj koji gledate na televizijskom ekranu.


PIN kod (Personal Identification Number) je jedinstveni četverocifreni broj koji služi za zaključavanje i otključavanje programa, mijenjanje postavki te za aktivaciju servisa koji zahtijevaju dodatnu naplatu. Kada prvi put uključite Super TV PIN kod je 1234.

EPG (Electronic program guide) je elektronski pregled programa koji je dostupan za većinu kanala. Eventualne greške vremenskih termina u EPG-u uzrokovane su greškom samog isporučioca TV programa.

VOD (Video on Demand) je sistem koji korisnicima omogućava gledanje video sadržaja na zahtjev.

DALJINSKI UPRAVLJAČ

Daljinski upravljač zahtjeva 3 baterije (tipa AAA, MN2400, UM-4 ili LR03). Ubacite baterije u daljinski upravljač. Pazite da polaritet baterija odgovara oznakama na daljinskom upravljaču. Pritisom na tipku STB, Vaš daljinski upravljač je spreman za korištenje.



* Uvijek obratiti pažnju legendi tipki u opcijama Super TV-a, jer pojedina tipka može imati više funkcija, u zavisnost gdje se u korisničkom sučelju nalazite.

** Prelistavanje stranica se koristi za pregled teksta u sekciji "Pomoć" i u sekciji "Vijesti".

Podešavanje daljinskog upravljača za upravljanje TV-om

Daljinski upravljač koji ste dobili uz STB moguće je podešiti tako da ga možete koristiti i za upravljanje Vašim TV prijamnikom. Konfiguracija daljinskog upravljača se realizuje njegovim podešavanjem sa tipom televizora i to je moguće uraditi na sljedeći način:

Odredite marku svog TV/DVD aparata (npr. Sony, JVC, Samsung...)

U fabričkom uputstvu za daljinski upravljač koje ste dobili uz STB pronađite kodove za svoj TV.

Za programiranje daljinskog upravljača istovremeno pritisnite i držite tipke TV i OK na daljinskom upravljaču. Za otprilike 2 sekunde tipka TV na daljinskom upravljaču će početi da svijetli – tada pustite tipke TV i OK.

Ukucajte trocifreni kod svoje marke TV-a. Pri podešavanju ukucavajte sve navedene kodove redom, provjeravajući poslije svakog koda da li radi tipka POWER i tipka za podešavanje jačine zvuka.

OSNOVNE KONTROLE

Izgled SUPER TV-a



- 1 - Oznaka da se TV kanal nalazi u grupi "omiljeni";
- 2 - Trenutna pozicija TV kanala i ime TV kanala;
- 3 - Karakteristike i dostupne opcije kanala: **REC** – mogućnost snimanja programskog sadržaja; **HD** – High Definition rezolucija slike; **SUB** – kanal posjeduje titlove kojima se može upravljati; **DTS** – digitalni kanal; **TTX** – kanal posjeduje teletext; **DOLBY** – Dolby Digital kvalitet zvuka;
- 4 - Vrijeme i datum;
- 5 - Mini lista TV kanala;
- 6 - EPG;
- 7 - Dostupne opcije koje se aktiviraju pritiskom na odgovarajuću tipku;
- 8 - Oznaka koja vam govori u kojoj ste grupi kanala.

Prebacivanje kanala

Prebacivanje kanala vrši se pomoću tipke CH+/- ili upisivanjem broja kanala putem numeričkih tipki.

Promijeni grupu

Crvenom specijalnom tipkom mijenjate grupe kanala.

Pored prikazivanja svih dostupnih kanala, Super TV ima osam tematski predefinisanih grupa te grupu "omiljeni" koju sami kreirate.

Predefinisane grupe su: standardni kanali, sportski kanali, informativni kanali, dječiji kanali, dokumentarni kanali, muzički kanali, filmski kanali i (xxx) pornografski kanali.

Mozaik

Opcija mozaik nudi istovremeni pregled devet kanala pritiskom na žutu specijalnu tipku tokom gledanja bilo kojeg otključanog TV kanala.

Nakon što pritisnete žutu specijalnu tipku na TV ekranu će se istovremeno pojaviti devet TV kanala.

Na desnoj strani ekrana otvoren je panel sa ponuđenim mozaicima (sportski, dokumentarni i sl.). Željeni mozaik potvrđujete tipkom **OK**.

Navigacijskim tipkama se krećete kroz mozaik, a pritisak na tipku **OK** odvest će vas odabranu kanal. Panel možete sakriti žutom specijalnom tipkom. Na isti način ga ponovo pozivate na ekran.



Pregled programa i programski vodič

Pregled programa prikazuje kompletan pregled za trenutni kanal. Iz pregleda programa možete napraviti nalog za praćenje i snimanje emisija, tako što se pozicionirate na emisiju koja vas interesuje i pritisnete OK. Detaljnije o ovoj opciji u poglavljju „Snimanje i praćenje emisija“.

Utorak, 12.07.2011	11:00	11:30	12:00
046 Discovery Channel	Extreme Engineering	American Chopper	
047 Discovery Travel Out	While You Were Out	House Wreck Rescue	Miami Ink
048 Discovery Science Wars	Junkyard Mega-Wars	Junkyard Mega-Wars	Junkyard Mega-Wars
049 Discovery World War and Civilisation	Weaponology		World's Lost Tribes
050 National Geographic	Najteži popravci: Popravak nuklearke	Rajevi na Zemlji: Tasmanijska zemlja vragova	
051 NG Wild	Istraživanje planeta Zemlja: Izumiranje živjeka	Pecanje čudovišta: Raj na Tajlandu	

Pregled programa

Programski vodič

Do **Programskog vodiča**, možete doći pritiskom na plavu specijalnu tipku u pregledu programa i kroz glavni izbornik. Programski vodič koji prikazuje uporedni pregled programa za šest kanala u rasponu od 60 minuta. Navigacijskim tipkama lijevo/desno, možete se kretati po emisijama i vremenskim intervalima i naprijed i nazad kroz čitava 24 sata (i više ukoliko je dostupno), a tipkama gore/dole prelazite sa kanala na kanal.

Žuta linija preko vremenskog intervala pokazuje koje se emisije tog trenutka emituju na prikazanim kanalima.

Za više informacija o svakoj emisiji, dovoljno je da je označite.

Otključavanje kanala

Kanal koji je zaključan otključavate pritiskom na žutu specijalnu tipku. Nakon toga će vam se otvoriti prozor za unos četverocifrenog PIN koda. Kanal će biti otključan onoliko dugo koliko definišete u postavkama (Postavke -> Vrijeme zaključavanja).



OSNOVNE OPCIJE KANALA

Pritisom na zelenu specijalnu tipku u gornjem lijevom uglu otvorit će se postavke za kanal na kojem se trenutno nalazite. Tu kanal prilagođavate svojim potrebama. Kroz opcije se krećete navigacijskim tipkama, a izbor potvrđujete tipkom OK. Kada završite sa prilagođavanjem pritisnite Home.

U postavkama kanala na raspolažanju su opcije: titlovi, audio, početna jačina tona, dodavanje ili brisanje iz grupe omiljenih kanala te zaključavanje kanala.


Titlovi

Na kanalima gdje je oznaka SUB označena zelenom bojom znači da kanal ima titlove kojima se može upravljati.

Navigacijskim tipkama se pozicionirajte na "Titlovi" i pritisnite **OK**

Pozicionirajte se na jezik titla i pritisnite **OK**.

Iz opcija izlazite tipkom **Home**.



Audio

Opcija "Audio" omogućava promjenu audio jezika na kojem se emituje program. Ova opcija nije dostupna za sve kanale.

Navigacijskim tipkama se pozicionirajte na "Audio" i pritisnite **OK**

Pozicionirajte se na jezik i pritisnite **OK**. Iz opcija izlazite tipkom **Home**.



Početna jačina tona

Eventualne neugodne prelaze jačine zvuka kod prelaska sa kanala na kanal možete prilagoditi opcijom "Početna jačina tona".

Navigacijskim tipkama se pozicionirajte na "Početna jačina tona" i pritisnite **OK**

Pozicionirajte se na nivo tona koji vam odgovara i pritisnite **OK**.

Iz opcija izlazite tipkom **Home**.



Dodaj u omiljene

Ova opcija Vam omogućava da napravite grupu omiljenih kanala. Oni kanali kojima ste dodijelili status omiljenih pojavit će se kao deveta grupa uz osam predefinisanih grupa.

Kanal dodajete u omiljene tako što se navigacijskim tipkama pozicionirate na opciju "Dodaj u omiljene" i pritisnete tipku **OK**.

Zaključaj kanal

Ovom opcijom možete ograničiti pristup TV kanalu, ukoliko ne želite da kanale bude dostupan svima.

Navigacijskim tipkama se pozicionirajte na "Zaključaj kanal" i pritisnite **OK**

Putem numeričkih tipki upišite PIN kod.

Nakon što upišete PIN, kanal će biti zaključan.

Otključavanje kanala vrši se na isti način.

GLAVNI IZBORNIK

Glavnom izborniku pristupate pritiskom na tipku MENU na daljinskom upravljaču, nakon čega će Vam biti ponuđene sljedeće opcije: POMOĆ, SERVISI, VIDEOTEKA, TV, POSTAVKE, OSTALO. Opciju aktivirate tako što se navigacijskim tipkama pozicionirate na željenu opciju i pritisnete OK.



TV

Uređenje kanala

Uređenje kanala vam donosi informacije o samom kanalu te vam omogućava da ga prilagodite svojim potrebama. Opcije koje možete mijenjati su: dodavanje i brisanje kanala iz grupe omiljeni, zaključavanje kanala, jačina tona i pozicija kanala.

Kako mijenjati opcije.

Navigacijskim tipkama pozicionirajte se na program koji želite izmijeniti i pritisnite OK i otvorit će vam se prozor sa dostupnim opcijama.

Dodaj u omiljene / Izbriši iz omiljenih.

Pozicionirajte se na ovu opciju i pritisnите OK. Kanal će biti dodat u grupu omiljeni ili izbrisani iz grupe ako je već bio u njoj.

Zaključaj/otključaj kanal

Ovom opcijom možete ograničiti pristup TV kanalu, ukoliko ne želite da kanale bude dostupan svima.

Pozicionirajte se na opciju "zaključaj kanal" i pritisnite tipku OK. Nakon toga otvorit će vam se prozor za upisivanje PIN koda.

Nakon što upišete PIN, kanal će biti zaključan. Otključavanje kanala vrši se na isti način.



Jačina tona

Nemaju svi kanali identičnu jačinu tona, a neugodne prelaze možete prilagoditi ovom opcijom. Ukoliko je neki kanal preglasan u odnosu na druge, pozicionirajte se na njega i pritisnite **OK**.

Odaberite opciju "Jačina tona" te navigacijskim tipkama izaberite koju glasnoću želite.

Izbor potvrdite tipkom **OK**.

Pozicija kanala

Pri prvom uključivanju vašeg Super TV-a svi kanali su već raspoređeni po određenom rasporedu istom za sve korisnike, a ova opcija vam omogućava da kanale poredate prema vlastitim preferencijama.

- Odaberite kanal koji želite pomjeriti i pritisnite OK.
- Zatim odaberite opciju „pozicija kanala“ i još jednom pritisnite OK i pojavit će se lista sa tri načina pomijeranja (slika prozora).
- Pomjeri za jednu poziciju iznad. (npr. Kanal koji je bio na broju 2 bit će premješten na broj 1)
- Pomjeri za jednu poziciju ispod. (npr. Kanal koji je bio na broju 2 bit će premješten na broj 3)
- Zamjeni pozicije. (Mijenjanje pozicije dva kanala.)



Opcija "zaključaj"

Ovom opcijom možete ograničiti pristup pojedinim kanalima. Ukoliko ne želite da Vaše dijete gleda kanale koji nude sadržaj neprimjeren njegovom dobu, aktiviranjem ove opcije na jednostavan način omogućite pristup kanalu samo osobama koje poznaju PIN.

Za izlazak iz opcije "Uređenje kanala", kao i potvrdu svih izmjena, pritisnite tipku OK na daljinskom upravljaču.

Pregled programa i programski vodič

Pregled programa prikazuje kompletan pregled za trenutni kanal. Iz pregleda programa možete napraviti nalog za praćenje i snimanje emisija, tako što se pozicionirate na emisiju koja vas interesuje i pritisnete OK. Detaljnije o ovoj opciji u poglavljiju „Snimanje i praćenje emisija“.

Do Programskega vodiča, možete doći kroz pregled programa (dva puta pritisnuti plavu specijanu tipku) i kroz glavni izbornik. Programske vodič koji prikazuje uporedni pregled programa za šest kanala u rasponu od 60 minuta.

Navigacijskim tipkama lijevo/desno, možete se kretati po emisijama i vremenskim intervalima i naprijed i nazad kroz čitava 24 sata, a tipkama gore/dole prelazite sa kanala na kanal. Žuta linija preko vremenskog intervala pokazuje koje se emisije tog trenutka emituju na prikazanim kanalima.

Za više informacija o svakoj emisiji, dovoljno je da je označite.



Snimanje i praćenje sadržaja

Pregled programa i programski vodič nude napredne kontrole koje vam u mnogome mogu olakšati planiranje slobodnog vremena i pomoći da nikada ne propustite ni jedan film, emisiju ili seriju.

Navigacijskim tipkama pozicionirajte se na TV sadržaj koji vas interesuje i pritisnite **OK**.

U zavisnosti o tipu TV sadržaja otvorit će vam se sljedeće opcije.

Praćenje sadržaja

Opcijom praćenja TV sadržaja, Super TV će vas podsjetiti da vaša omiljena emisija počinje uskoro na nekom od kanala. Podsjetnik se sastoji od crne trake koja se pojavi na vrhu ekrana sa obaveštenjem.

Prati emisiju

Ova opcija omogućava da pratite samo jedan odabrani TV sadržaj i dostupna je na svim kanalima i na svim TV sadržajima.

Nakon što odaberete ovu opciju bit će vam ponuđeno da odaberete koliko unaprijed želite da budete obaviješteni o početku emisije (1 minuta, 5 minuta, 15 minuta i 30 minuta).

Kada odaberete vremenski okvir obavijesti bit će vam ponuđena opcija automatskog prebacivanja na kanal na kojem je emisija. Ako odaberete prebacivanje, u vrijeme kada emisija treba da počne, Super TV će automatski prebaciti na željeni TV kanal.



Kada uspešno podesite praćenje pored naziva emisije u pregledu programa i programskom vodiču pojavit će se ikona oka.



Ukoliko ste podesili automatsko prebacivanje na kanal, pored naziva će se pojaviti ikona oka sa zelenom strelicom.



Trajni nalog za praćenje

Ukoliko se emisija ponavlja više puta na programu (serije, politički i zabavni magazini i sl.) Super TV vam omogućava postavljanje trajnog naloga za praćenje. To znači da nalog podesite samo jednom, a praćenje emisije će se odnositi na sve buduće epizode.

Nakon što odaberete ovu opciju bit će vam ponuđeno da pratite emisiju samo na jednom kanalu ili da Super TV za vas prati istu emisiju na svim TV kanalima.
(neke serije emituju se na više TV kanala)



Nakon toga nudi vam se izbor koliko unaprijed želite da budete obaviješteni o početku emisije (1 minuta, 5 minuta, 15 minuta i 30 minuta).

Kada uspješno podesite praćenje pored naziva emisije u pregledu programa i programskom vodiču pojavit će se ikona oka. 

Ukoliko ste podesili automatsko prebacivanje na kanal, pored naziva će se pojaviti ikona oka sa zelenom strelicom. 

SNIMANJE

Nalog za snimanje omogućava da organizujete svoje vrijeme i snimite emisije koje nećete biti u prilici da pratite.

Snimi emisiju

Ova opcija je dostupna samo na onim kanalima koji imaju mogućnost snimanja (REC označeno zelenom bojom). Opcija snimi emisiju omogućava vam da snimite TV sadržaj i kasnije ga reproducirate kroz "Snimalicu".

Kada uspješno podesite snimanje pored naziva emisije u pregledu programa i programskom vodiču pojavit će se ikona "rec". 

Trajni nalog za snimanje

Ova opcija je dostupna samo na onim kanalima koji imaju mogućnost snimanja (REC označeno zelenom bojom). Ukoliko se emisija ponavlja više puta na programu (serije, politički i zabavni magazini i sl.) Super TV vam omogućava postavljanje trajnog naloga za snimanje. To znači da nalog podesite samo jednom, a Super TV će snimiti sve buduće epizode.



Nakon što odaberete ovu opciju bit će vam ponuđeno da snimite emisiju samo na jednom kanalu ili da Super TV za vas snima istu emisiju na svim TV kanalima. (neke serije emituju se na više TV kanala)

Kada uspješno podesite snimanje pored naziva emisije u pregledu programa i programskom vodiču pojavit će se ikona "rec". 

Naloge za praćenje i snimanje možete ukloniti kroz opciju Listu naloga (Glavni izbornik -> TV -> Lista naloga)

Lista naloga

Lista naloga daje vam kompletan pregled naloga za praćenje i snimanje te omogućava otkazivanje naloga. Kroz listu naloga krećete se navigacijskim tipkama.

Crvenom specijalnom tipkom možete prolaziti kroz grupe naloga: nalozi za praćenje, nalozi za snimanje i svi nalozi.

Otkazivanje naloga

Navigacijskim tipkama pozicionirajte se na emisiju i pritisnite **OK**. U zavisnosti od naloga ponuđene su vam sljedeće opcije.

Poništi nalog za praćenje - poništava nalog za praćenje samo jedne epizode.

Poništi trajni nalog za praćenje - poništava nalog za praćenje niza emisija/epizoda.

Poništi nalog za snimanje - poništava nalog za snimanje.



Poništi trajni nalog za snimanje - poništava nalog za snimanje niza emisija/epizoda.

Snimalica

Ova opcija vam nudi pregled emisija koje ste snimili.

Snimati možete samo one emisije koje se emituju na kanalu gdje je zelenom bojom označeno REC. Opštinije o načinima snimanja na strani 11.

Navigacijskim tipkama se pozicionirajte na snimljeni TV sadržaj i pritisnite **OK**.

Otvorit će vam se prozor sa opcijama:

Reproduciraj - Ovom opcijom otvarate player koji će vam pustit snimljenu emisiju.

Izbriši snimljeni sadržaj - ručno brisanje snimljenog TV sadržaja.

Na panelu sa desne strane prikazane su vam informacije o snimci među kojima su i vremena kada je počelo snimanje, kada je završeno snimanje i kada će sadržaj biti obrisan sa servera.

Odabirom opcije "Reproduciraj", otvorit će vam se TV sadržaj koji ste snimili. U donjem dijelu ekrana pojavit će vas se prozor sa informacijama o sadržaju te kako upravljati istim.



Teletext

Teletext je dostupan samo na onim kanalima na kojima je TTX označen zelenom bojom. Teletextu možete pristupiti na dva načina.

Prvi je preko glavnog izbornika kroz grupu opcija TV.



Drugi je pritiskom na tipku "play" na daljinskom upravljaču.



Iz teletekstu izlazite pritiskom na tipku "rewind"

Teletekstu pristupate

Omjer ekrana

Opcija „Omjer ekrana“ omogućava da prilagodite dimenzije slike vašem TV prijamniku.

4:3 je standard omjera slike analognog televizijskog programa. Nastao je pojavom prvih televizora i zadržao se kao najpopularniji format sve do pojave današnjih "širokih" ekrana.

16:9 je standard omjera slike tipičan za widescreen televizore i standardan za digitalni televizijski program.

4:3 pan and scan – je metoda podešavanja slike širokog formata. Odabirom ove opcije svi kanali sa 16:9 omjerom slike bit će isječeni da stanu na 4:3 format bez razvlačenja ili sužavanje slike.

4:3 letterbox – je metoda podešavanja slike širokog formata na format 4:3 sa manjim gubitkom slike.

16:9 je standard omjera slike tipičan za widescreen televizore i standardan za digitalni televizijski program. Korištenjem ove opcije svi kanali u 4:3 omjeru bit će razvučeni na 16:9 format.

VIDEOTEKA

Elektronska videoteka Vam omogućava da odaberete film koji želite da pogledate u udobnosti Vašeg doma bez odlaska do video kluba. Videoteka sadržava tri kategorije: FILM, SERIJE i REKLAME.

Filmovi

Na lijevoj strani ekrana filmovi su posloženi u kategorije po žanrovima, a na desnoj se prikazuju naslovi unutar pojedine kategorije.



Kroz filmove i žanrove krećete se navigacijskim tipkama.

Odabir filma

Navigacijskim tipkama gore/dole odaberete žanr i pritisnute **OK** nakon čega će vam navigacija biti prebačena na desnu stranu ekrana.

Na desnoj strani je izbor filmova ponuđen unutar kategorije, a ispod se nalaze osnovne informacije o filmu koji označite (trajanje, žanr, cijena, reiting, dužina najma).

Ako želite da promijenite žanr, pritisnite tipku **Back** i navigacija će se vratiti na listu sa žanrovima.




Nakon što odaberete film pritisnite tipku **OK** nakon čega će se otvoriti prozor koji vam nudi dvije opcije:

Detalji filma – Ova opcija otvara detaljne informacije o filmu uključujući sinopsis. Iz detalja također možete iznajmiti film pritiskom na crvenu specijalnu tipku nakon čega će biti zatraženo upisivanje PIN koda. Nakon toga film je dostupan za pregled tokom 24 sata.

Iznajmi film – Odabirom ove opcije bit će vam zatražen PIN kod. Upisivanjem PIN-a, film je iznajmljen i dostupan za gledanje tokom 24 sata.


Odabrani film je moguće pogledati više puta u naredna 24 sata.

Isti princip iznajmljivanja primjenjuje se i na serije i na reklame.



Iznajmljeni sadržaj

Kada odaberete film i upišete PIN, reprodukcija filma će započeti. U donjem dijelu ekrana pojavit će vam se traka sa dostupnim informacijama i opcijama.



Zelenom tipkom mijenjate audio jezik filma ukoliko je dostupan.

Žutom zipkom mijenjate dostupne titlove.

Iznajmljenim sadržajem upravljate tipkama za upravljanjem VoD i snimljenog sadržaja. Čemu služi koja tipka opisano je i u informacionom prozoru.

Tokom 24 sata, film koji ste iznajmili možete u bilo kojem trenutku prekinuti i vratiti na početak ili pogledati ga ponovo. Film će tokom tog perioda u videoteci biti označen trakom "Iznajmljeno".



SERVISI

Vijesti

Preko Super TV servisa možete pročitati najnovije vijesti iz BiH i svijeta koje objavljuje portal www.sarajevo-x.com.

Navigacijskim tipkama lijevo/desno prebacujete se sa kategorija vijesti na same vijesti.

Navigacijskim tipkama gore/dole krećete se kroz kategorije vijesti, odnosno kroz same vijesti.

Izbor kategorije i vijesti potvrđujete tipkom **OK**, a navigacijskom tipkom lijevo izlazite iz otvorene vijesti na listu.

Tipkama Pg Up / Pg Down pomjerate tekst vijesti.



Vremenska prognoza

Vremenska prognoza prikazuje petodnevnu vremensku prognozu za Sarajevo, Zenicu, Mostar i Banja Luku. Izvor vremenske prognoze je The Weather Channel (www.weather.com).

Navigacijskim tipkama gore/dole krećete se kroz gradove, tipkom **OK** potvrđujete izbor.

Stanje na putevima

U ovom dijelu Servisa možete pročitati svakodnevne izvještaje o stanju na putevima koje donosi BIHAMK

POSTAVKE

Promjena PIN koda

PIN kod je jedinstveni četverocifreni broj koji služi za zaključavanje i otključavanje programa, mijenjanje postavki te za aktivaciju servisa koji zahtijevaju dodatnu naplatu.

PIN mijenjate tako što u dijelu izbornika POSTAVKE odaberete opciju PROMJENA PIN KODA.

Prije nego što pristupite promjeni sistem će vas pitati da li želite da promjenite PIN.

Prvo trebate unijeti svoji trenutni PIN koji je po defaultu 1234. Kada ispravno upišete PIN otvorit će vam se novi prozor u koji ćete unijeti novi četverocifreni PIN kod.

DOBRO ZAPAMTITE PIN KOD

Vrijeme zaključavanja

Za sve zaključane kanale možete odabrati period dostupnosti nakon nakon unosa PIN koda. Ukoliko je vremenski interval postavljen na nulu, to znači da će se kanal zaključati čim prebacite na sljedeći kanal. Sa intervalom od jedne minute, znači da će kanal biti dostupan jednu minutu nakon što prebacite na neki nezaključani kanal, nakon koje će se zaključati.



Navigacijskim tipkama se pozicionirajte na interval koji vam odgovara i pritisnite OK.

Starosna dob

Super TV možete prilagoditi da vam filtrira sadržaj videoteka po dobnim grupama.

Dostupne su vam četiri dobne grupe za koje možete filtrirati sadržaj:

- Za mlađe od 12 godina
- Od 12 do 15 godina
- Od 15 do 18 godina
- Za starije od 18 godina




Navigacijskim tipkama se pozicionirajte na željenu dobnu grupu i pritisnite OK.

Obavijesti

Ova opcija vam nudi da primate važne obavijesti od Logosofta.

Stanje računa

Opcija "Stanje računa" prikazuje globalno stanje svih usluga koje imate u Logosoftu. U njemu možete očitati dugovonja, pregledati sve usluge koje koristite i pogledati posljednje aktivnosti koje ste imali na vašem računu.



OSTALO

RELOAD

Opcija Reload vrši ponovno učitavanje softvera Super TV-a.

RESET

Opcija Reset resetuje vaš STB.

ABOUT

Opcija About prikazuje tehničke podatke o softveru i STB koji koristite.

POMOĆ

Ova opcija vam nudi jednostavna uputstva za korištenje Super TV servisa.

Na lijevoj strani ekrana nalaze se oblasti koje su obrađene u korisničkom uputstvu. Pritisom na tipku **OK** na desnoj strani ekrana otvorit će vam se tekst sa pojašnjanjem i uputstvo o korištenju mogućnosti Super TV-a.

Tekst pomoći pomjerate tipkama Page up/down.